

選揮
集成

全一冊

中國神祕文化典籍類編

主編：顧頡
重慶出版社



中國圖書文獻出版社

主編：顧頡
重慶出版社

中国神秘文化典籍选粹
(《古今图书集成·艺术典》)

选 择 集 成

学术顾问 张荣明
主 编 顾 颉
执行主编 陈 新
标 点 王世伟

重 庆 出 版 社

选择集成·汇考一

礼记

曲礼

外事以刚日，内事以柔日。

注甲丙戊庚壬为刚，乙丁己辛癸为柔。治兵、巡狩、朝聘、盟会之类，皆外事也，内事如祭祀冠婚之礼。

太乙经

论昼夜及嫁娶日辰

天一所在甲，戊庚、旦大吉，夕小吉，乙己昼神后，夜传送。丙丁旦登明，暮从魁。六辛昼胜光，夜功曹。壬癸昼太乙，夜太冲。

诸欲娶妇嫁女必记，初许嫁之日，以为本其娶妇时，慎无令克其许嫁日辰也。克日害舅，克辰害姑。姑舅，夫之父母也。尽克日辰为不利一家。

假令甲子日许嫁，庚辛日纳财，皆为克日，戊己纳之，为克辰也。

假令辛未日纳，皆为克日辰，戊申己酉日亦然也。又欲令日辰阴阳中及用传中，有天后，无螣蛇白兽相克，吉谓内妇，时如此者，即吉又无令夫家之门伤妇年，即妇有咎。

假令二月乙未日巳时，天罡加己，妇年立辰，从魁加之，夫家门在子地，太乙加之，夫家门在丑，胜光加之，此并为夫家门伤妇年也，谓夫家门上火神克妻家门上金神也。若夫门立酉，功曹加酉，妇在东方，卯来氏酉，酉入功曹，即妇有咎。他仿此。又无令妇年上神，伤夫家之门，即夫家有咎也。

假令妇年立辰，从魁加之，夫门在酉，功曹临之，夫门在戌，太冲临

之，此为妇年上神，伤夫家之门，即夫家有咎，门者所出之辰，凡娶妇为入殒，嫁女为出殒，从方入圆为入殒，从方出圆为出殒也。又不欲所出入之神伤日辰为女，固有败伤，又不欲令伤日有害翁，谓神将共伤日也。

假令二月庚子日，魁罡加丑之时也，太乙临庚，上其将得朱雀，此为神将并伤日，伤日害舅，若日并伤神将有害矣。

假令二月癸丑日巳时，胜光加癸，将得螣蛇，此为日并伤神将害夫，又辰中有微气往助之者，为夫死。

假令二月甲戌日辰时，而传送加甲甲木也，传送金也，金伤木，又戌中之金复往助之者，为夫死，伤辰为妇，谓神将共伤辰也。

假令二月庚申日，魁加丑之时也，太乙临申，将得朱雀，此为神将并伤辰也。

假令二月壬子日，魁加辰，胜光临子为用，将得螣蛇，此为日辰并伤神将也，但辰伤妇谓辰伤其阳神神将者，又曰内有微气往助之者，为妇死也。

假令二月丁巳日，魁加卯神后加巳，巳火也，神后水也，水伤火，又丁巳复往助之，为妇死，以其上将为所坐形状。

假令二月甲戌日，魁加辰，传送为青龙，而加甲为夫妇死，死坐送行酒食故也。

在昔元女著述，卷帙颇繁，诸目略具夹漈志中，今所授经，亦占家绪余也。汉制曰，辟诸死忌，以五行为主，是也。

扁鹊子午经

主司

东方甲乙木，主人肝胆筋膜魂；

南方丙丁火，主人心小肠血脉神；

西方庚辛金，主人肺大肠皮毛魄；

北方壬癸水，主人肾膀胱骨髓精志；

中央戊己土，主人脾胃肌肉意智。

主命

木命人行年在木，则不宜针及服青药。

火命人行年在火，则不宜汗及服赤药。

土命人行年在土，则不宜吐及服黄药。

金命人行年在金，则不宜灸及服白药。

水命人行年在水，则不宜下及服黑药。

行年人神

脐	项	肘	咽	口	头	脊	膝	足
一		二		三		四		五
六		七		八		九		十
十一		十二		十三		十四		十五
十六		十七		十八		十九		二十
二十一		二十二		二十三		二十四		二十五
二十六		二十七		二十八		二十九		三十
三十一		三十二		三十三		三十四		三十五
三十六		三十七		三十八		三十九		四十
四十一		四十二		四十三		四十四		四十五
四十六		四十七		四十八		四十九		五十
五十一		五十二		五十三		五十四		五十五
五十六		五十七		五十八		五十九		六十
六十一		六十二		六十三		六十四		六十五
六十六		六十七		六十八		六十九		七十
七十一		七十二		七十三		七十四		七十五
七十六		七十七		七十八		七十九		八十
八十一		八十二		八十三		八十四		八十五
八十六		八十七		八十八		八十九		九十

上九部行神岁移一部周而复始

十二部人神所在

心辰、喉卯、头寅、眉丑、背子、腰亥、腹戌、项酉、足申、膝未、阴午、股巳。

日辰忌

一日足大趾，	二日外踝，
三日股内，	四日腰，
五日口舌咽悬膺，	六日足小趾，
七日内踝，	八日足腕，
九日尻，	十日背腰，
十一日鼻柱，	十二日发际，
十三日牙齿，	十四日胃脘，
十五日遍身，	十六日胸乳，
十七日气冲，	十八日腹内，
十九日足趺，	二十日膝下，
二十一日手小指，	二十二日伏兔，
二十三日肝膈，	二十四日手阳明两肋，
二十五日足阳明，	二十六日手足，
二十七日膝，	二十八日阴，
二十九日膝胫颞颥，	三十日关元下至足心。

干支人神忌日

甲乙日忌寅时头，	丙丁日忌辰时耳，
戊巳日忌午时发，	庚辛日忌申时脚，
壬癸日忌酉时足。	
子日目，	丑日耳，
寅日口，	卯日鼻，
辰日腰，	巳日手，
午日心，	未日足，
申日头，	酉日背，
戌日项，	亥日顶。

建日申时头，	除日酉时膝，
满日戌时腹，	平日亥时腰背，
定日子时心，	执日丑时手，
破日寅时口，	危日卯时鼻，
成日辰时唇，	收日巳时足，
开日午时耳，	闭日未时目。

十二时忌

子时踝，	丑时头，
寅时目，	卯时面耳，
辰时项口，	巳时缺，
午时胸肋，	未时腹，
申时心，	酉时背脾，
戌时腰阴，	亥时股。

又

立春春分脾，	立夏夏至肺，
立秋秋分肝，	立冬冬至心，
四季十八日肾。	

又

正月丑，	二月戌，	三月未，	四月辰，
五月丑，	六月戌，	七月未，	八月辰，
九月丑，	十日戌，	十一月未，	十二月辰。

又

春左肋，	秋右肋，
夏在肾，	冬在腰。

又

男避除，	女避破，
男忌戌，	女忌巳。

孙思邈元女房中经

王相日

春甲乙，夏丙丁，秋庚辛，冬壬癸。

月宿日

正月：一日、六日、九日、十日、十一日、十二日、十四日、二十一日、二十四日、二十九日。

二月：四日、七日、八日、九日、十二日、十四日、十九日、二十二日、二十七日。

三月：一日、二日、五日、六日、七日、八日、十日、十七日、二十日、二十五日。

四月：二日、五日、六日、八日、十日、十二日、十五日、十八日、二十二日、二十八日。

五月：一日、二日、三日、四日、五日、六日、十二日、十五日、二十日、二十五日、二十八日、二十九日、三十日。

六月：一日、三日、十日、十三日、十八日、二十三日、二十六日、二十七日、二十八日、二十九日。

七月：一日、八日、十一日、十六日、二十一日、二十四日、二十五日、二十六日、二十七日、二十九日。

八月：五日、八日、十日、十三日、十八日、二十一日、二十二日、二十三日、二十四日、二十五日、二十六日。

九月：二日、六日、十一日、十六日、十九日、二十日、二十一日、二十三日、二十四日。

十月：一日、四日、九日、十日、十四日、十七日、十八日、十九日、二十日、二十二日、二十三日、二十九日。

十一月：一日、六日、十一日、十四日、十五日、十六日、十七日、十九日、二十六日、二十九日。

十二月：一日、六日、十一日、十四日、十五日、十六日、十七日、十九日、二十六日、二十九日。

吉凶时日善恶宿曜经

序三九秘宿品第三

一九之法：

命宿、荣宿、衰宿、安宿、危宿、成宿、坏宿、友宿、亲宿。

二九之法：

业宿、荣宿、衰宿、安宿、危宿、成宿、坏宿、友宿、亲宿。

三九之法：

胎宿、荣宿、衰宿、安宿、危宿、成宿、坏宿、友宿、亲宿。

此法以定人所生日为宿，直为命宿为第一，次以荣宿，又次衰宿，及安宿、危宿、成宿、坏宿、友宿、亲宿，如是九宿为一九之法。其次则次业宿为首，以下九准前为二九之法。次即以胎宿为首，以下九准前三九之法。而周二十七宿众为秘密。

景风曰，假如有人二月五日生者，其人属毕宿，为第一命宿，以次猪宿为荣宿，参为衰宿，井为安宿，鬼为危宿，柳为成宿，星为坏宿，张为友宿，翼为亲宿，轸为业宿，角为荣宿，亢为衰宿，并同友直，如女胎宿虚为荣宿，已下准前，是为三九之法，他皆准此。

三藏云，凡与人初结交者，先须看彼人宿命押我何宿，又看我命宿押彼人何宿，大抵以荣成友亲为善堪结交，自馀并恶，不可与相知，以为秘法耳。

景风曰，案，太史有旧翻九执宿命占，殊未有此法，今则新译庶用，传之流行万代耳。

凡命胎宿直日，不宜举动百事。业宿直日所作，皆吉祥。衰危坏宿日，并不宜远行出入，及迁移、卖买、裁衣、剃头、剪甲，并不吉。坏日又宜厌镇降伏怨仇，及讨伐暴恶。安日移动远行，修园宅卧，具作坛场，并吉。危日宜结交婚姻，欢会宴聚，吉。成日修门道，合药求仙，吉。友亲日宜结交朋友，大吉。凡日月直星，没犯逼守命胎之宿，此人是厄会之时也。宜修功德，持真言，念诵立道场以攘之，若犯业宿及荣安成友亲等宿，并所求不遂，百事迍邅，亦宜修福念善。若犯衰危坏等宿者，则所求称意，百事通达。

景风曰，凡欲知五星所在者，天竺历术，推知何宿具知也。今有迦叶氏、瞿昙氏、拘摩罗等三家天竺历，并掌在太史阁，然今之用多瞿昙氏历，与大术相参俱奉耳。

序七曜直品第四

夫七曜，日月五星也。上曜子天神六直，人所以司善恶而主理吉凶也。行一日一易，七日一周，周而复始，直神善恶言具说之耳。

景风曰，推求七曜直日法，今具在此经卷末，第八历算法中具备足矣。

日精曰，太阳太阳，直日宜策命拜官，观兵习战，持直言，行医药，放群牧，远行造福，设斋祈神，合药内仓库入学论官，并吉，不宜净竞作誓，行奸对阵，不得先起，若人此曜直日生者，法合足智策，端正美貌，孝顺短命，若五月五日得此曜者，则其岁万物丰熟，若有亏蚀地动者，则万物莫实不千日为殃。

月精曰，太阴太阴，直日宜造功德成就，作喜乐朋僚，教女人裁衣服，造家具、安床、穿渠修井灶，买卖财物，仓库内财，洗头割甲著新，并吉，不宜婚嫁，入宅结交，私出行大凶，奴婢逃走，难捉，得囚系者出迟，不宜杀生，及入阵并凶，此日生人，合多智策美貌，乐福田好，布施孝顺，若五月五日得此曜者，岁多疾病，秋足霜冷，若有亏蚀地动者，则岁中饶疾死。

火精曰，荧惑荧惑，直日宜决罚罪人，国取盗贼作欺诳事，买金宝牛羊，动甲兵修戎，具教旗克贼必胜，诉先起合药种蒔割甲，结婚不得出财，征债禁者，难出病者，必死，若此直日生人，法合丑陋恶性，妨亲害族，便弓马多嗔，若五月五日得此曜者，则岁中多净竞，若亏蚀地动者，则岁中多有兵马损伤。

水精曰，辰星辰星，直日宜入学，事师长学功技，能攻城，又宜举债公行，怨敌伏仇，得财唯不宜修造宅舍，对战斗敌，作贼妄语并凶，被囚者即后必有阴谋，说动当时，若五月五日得此曜者，则岁中有水灾，亏蚀地动，则百物不熟，人多瘴病耳。

木精曰，岁星岁星，直日宜策命使王，及求善知识并学问礼拜，修福布施，嫁娶作诸吉事，请谒及结友入宅，著新衣沐发，种果木调伏象马，买奴婢，并吉，若为凶事则大凶，若人此日生者，法合贵重荣禄，若五月五日得此曜者，岁中丰熟，若有亏蚀地动，则公王必死。

金精曰，太白太白，直日宜见大人官长，沐浴冠带，求亲结婚，良友置饌，宜入宫室，并吉，逃亡难得，畋猎并战不吉，若人此日生者，法合短命好善，人皆钦慕，若五月五日得此直日者，则岁中惊扰之事，若亏蚀，则六畜多损伤耳。

土精曰，镇星镇星，直日宜修园圃，买卖田地，口马合药，伏怨放火，立精舍，作井灶，吉，唯不宜结婚、冠带及公行，若人此日生者，法合足声名，少孝顺，信朋友，若五月五日得此直者，则合岁中多土功，若亏蚀地动，则国中人民不安泰。

景风曰，茫茫造化，乃为阴阳，精曜运天，虚神直地，吉凶之应，唯人信之，故译出此法，万代秘密，经庶传习者，幸无谬矣。凡人公行，不得面冲七曜，若冲当日曜，遭大厄，若冲月曜，亲眷多伤，若冲木曜，家人背心，若冲土曜，女有死厄，若冲金曜，则灾祥并至，乃为颂曰：

火日月建，德贵神眷，岁背镇死，金冲并至。

秘密杂占品第五

凡如七曜运文，犯著人六宫宿者，必有灾厄，一者命宿，二者事宿，三者意宿，四者聚宿，五者同宿，六者克宿，从命数第十为事宿，第四为意宿，第十六为聚宿，第二十七为同宿，第十三为克宿。

景风曰，有人属娄宿者，而数得毕为意宿，第十得星宿，则为事，十三得轸，则轸为克宿也，他皆准此，数之即得也。

若七曜犯命宿，则亡失钱财，必多灾厄。若犯事宿，则招殃咎。若犯意宿，则必多愁苦。若犯聚宿，则亡失财囚闭。若犯同宿，则离拆不安家口衰耗。若犯克宿，亡财失官势力衰损。若七曜总不犯此六处者，则所为皆得。

景风曰，皆须共三九，秘宿相参，然后定灾厄也。颂曰：
十事规求镇不来，四意愁烦困恼也，十六聚失灾厄形，二十同路相乖背，十三克挫势力名。

七曜与此宿不犯者，则百恶澄清。

凡日在本宫，及第三、第六、第十位，为果大吉，荧惑守本宿，大有灾厄耳。月在本命宫，及第六、第七、第三宫，即果吉。岁星与氏第三、第七、劣九宫者，吉。辰与氏第四、第十宫者，并吉。太白在本命宫者，合有大厄。凡人有灾厄，时可持真言立道场而用禳之。

若有人不记得本所属宿，而来问疾者，何以答之？曰：皆须看人初来之时，触著处而断之，则可知耳。若先触头者，则属昴宿；若先触额者，则属毕宿；若先触眉者，属觜宿；若先触眼者，则属参宿；若触两颊及耳者，则属井宿；若先触牙及骨者，则属鬼宿；若触齿者，则属柳宿；若触顶者，则属星宿；若触右肩者，则属张宿；若触左肩者，则属翼宿；若触手者，则属轸宿；若触颈颐者，则属角宿；若触缺盆及项胸上者，则属亢宿；若触臆者，则属氏宿；若触右臂者，则属房宿；若触左臂者，则属心宿；若触心脾骨者，则合属尾宿；若触左胁者，则属箕宿；若触右胁者，则属斗宿；若触脐者，则属牛宿；若触腹肚者，则属女宿；若触小腹下者，则属虚宿；若触胯腿及后分者，则属危宿；若触右腿胫者，则属室宿；若触左腿胫者，则属壁宿；若触膝髀者，则属奎宿；若触胫者，则属娄宿，若触脚者，则属胃宿。

景风曰，若人不得本生日月者，则知本所属宿，用此法以定之，和尚以此法为秘密耳。

凡轸星、太阳直，毕宿太阴直，星宿土直，井宿火直、柳宿水直，鬼宿木直，房宿金直，此等七日，名为甘露，吉祥日；宜学道求法，受密印及习真言。凡尾宿太阳直，女宿太阴直，壁宿水直，昴宿火直，井宿木直，张宿金直，亢宿土直，此等七日，名为金刚峰日，宜降伏魔怨，持日天子真言。凡胃宿太阳直，鬼宿太阴直，翼宿火直，参宿水直，氏宿木直，奎宿金直，柳宿土直，上此等七日，名为罗

剃日，不宜举动百事，惟射猎及诸损害之事也。

序黑白分品第六

凡月有黑白两分，从一日至十五日为白月分、从十六日至三十日为黑月分。每月白月一日、三日、五日、七日、九日、十一日、十三日；黑月一日、三日、五日、七日、九日、十一日、十三日，所向皆成就，名为吉祥日。又白月四日夜，八日昼，十一日夜，十五日昼。黑月三日夜，七日昼，十日夜，十四日昼，为凶恶时，所作不成就。

又白月二日、六日、九日、十二日，又黑月六日、九日、十二日、十四日，此等平平，时随立宿曜为吉凶。

又黑月四日、十一日夜，八日、十五日昼，白月三日、十日夜，七日、十四日昼，凶恶气生时，所及招殃咎。

凡凶恶之日，日中以后，却成吉时，凶恶之夜，夜半已后，却成吉时。乃为颂曰：

一三五七九，十一与十三，于二白黑分，所作皆成就，黑三夜七昼，十夜十四昼，白四夜八昼，一夜十五昼，于此白黑分，昼夜不成就，日中夜已后，所求皆成就。

序日名善恶品第七。

从一日至十六日

景风曰，一日即是白月之一日也，十六即黑月之一日也，今恐读者难会，故略云黑白之言，直裁日数之尔。

名为建，名日梵，天宜为善业，学道求仙及事师尊宿并吉，唯不宜远出行耳。

凡二日、十七日名为得财日，尔造化神，宜合药按摩，工巧出行，结交婚亲，增益田宅，并吉。

凡三日、十八日名为威力得日，那罗延下，宜摧敌除逆，习战畜兽，奖训下人，营田种蒔，大吉。

凡四日、十九日名为猛武日，阎罗天下，宜作恶业，杀害残贼，摧伏叛逆则吉，为善事却凶。

凡五日、二十日名圓滿日，日天子下，宜為善業，修營床帳，及車乘衣服，營田宅結婚，并吉。

凡六日、二十一日名為求名日，童子神下，宜為久长安定事，營宅宇寢廟，及建國邑伽藍牛馬坊廐等并吉，不宜出行。

凡七日、二十二日名為朋友日，北斗天下，宜結交欣喜，安定和藥王者初服，及造旌旗帷帳并吉，唯不宜遠行。

凡八日、二十三日名為大戰日，婆薮天下，宜為力用之事，造兵仗城壘，穿壕塹并吉。

凡九日、二十四日名為凶猛日，毗舍闍鬼下，宜圍城縛敵，進途伐逆，不宜入宅，及削髮并凶。

凡十日、二十五日名為善法日，善法神下，宜安久之事，及急速飛捷，穿凿井灶，修道作坊，功德伽藍，順法之事，并大吉。

凡十一日、二十六日為慈猛日，自在天下，宜新立宅舍，營建廟館宇廐坊，及設火祭祀天神，并吉。

凡十二日、二十七日為名閨日，宜作久长安國之事，及車乘倉庫并吉，唯不宜放債。

凡十三日二十八日為最勝日，大魔王下，所作皆急速皆吉，及著衣服華鬘，金玉裝畫，又宜嫁娶，修車乘，入壇場学法求道，吉。

凡十四日、二十九日為勇猛日，藥叉大將下，宜擒縛掩捕，詭詐相謀害，大吉；唯不宜遠行，凶。

凡十五日、三十日名吉祥日，魂靈神下，宜祭先亡作婆羅門大祭，求福布施，供養師僧，尊長學戒，善事求法，大吉。

西國每一月分為白黑兩分，入月一日至十五日為白月，分以其光生漸明白之謂也。入月十六日至三十日為黑月，分以其光減損暗黑之謂也。文殊師利菩薩說時日偈云：

一三五七九，十一與十三，于二黑白分，所作皆成就，黑三夜七晝，十夜十四晝，白四夜八晝，一夜十五晝，所謂一夜者，十一夜也，勸頌者貴，省文也。于此黑白月。晝夜不成就，日中及中夜，已後皆通

吉。

择日

每入月一日十六日，三日十八日，五日二十日，七日二十二日，九日二十四日，十一日二十六日，十三日二十八日，已上是吉日，所作吉祥，事必成就。

择时

入月四日夜，八日昼，十一日夜，十五日昼，十八日夜，二十二日昼，二十五日夜，二十九日昼，已上日昼夜之时所作，皆不吉，为事不成，善犹不可作，何况恶事，如于咸卤之地，种物不生。

入月二日、六日、九日、十二日、十四日、十七日、十九日、二十一日、二十三日、二十四日、二十七日、三十日，已上平日，若与好宿好曜并者即吉，如与恶宿恶曜并者即凶。夫凶恶昼，日中已后通吉用；凶恶夜，夜半已后亦通吉用。

白黑月所宜吉凶历

每月一日十六日，梵云钵阂钵底下，此云梵王下，是建名日，宜为善业，学伎艺苦节，修行布施等事，及作爱敬，增益长久定事，并吉，不宜远行。

二日十七日是得财日，梵云兹利诃跋钵底神下，此云造化神下，宜按摩合药，作工巧法，远行进路，结交婚姻。

三日十八日是威力日，梵云毗纽神下，亦云那罗延天下，宜摧敌除逆，调习象马四足诸畜等，及训奖恶人下贱之类，营田种蒔有大为作事，皆吉。十八日夜恶，中夜已后还吉。

四日十九日是猛武日，梵云阎谟神下，作恶业日是杀害日，与一切不善事残酷业皆悉相应，宜摧敌破逆，吉，余并凶。四日夜不吉，中夜已后吉。

五日二十日是圆满日，梵云苏谟神下，此云月天子下，宜修福善业，作卧具床座，衣服装饰物，及车舆等物，营田宅，结婚姻，凡诸庆乐事，并吉。

六日二十一日是求名日，梵云摩罗神下，此云童子天下，宜诸久长安定之事，营田宅，及天庙福舍伽蓝，建城邑，立牛马等诸畜坊廐，并吉，不宜远行进路。

七日二十二是朋友日，梵云七婆怛沙邪仙神下，此云北斗下，宜结朋友，安定之事，王者服新衣，及熏帟床座卧具，大宝严饰之物，并吉。二十二日昼恶，午后吉。

八日二十三日是力战日，梵云婆娑善神下，宜力用之事，宜修造攻战之具，置边冲险，固城垒，穿冢塹，调乘象马等事，并吉。八日昼恶，午后吉。

九日二十四日是凶猛日，梵云嚧达啰尼神下，宜围城缚敌进途，伐逆取毒，不宜入宅，修理发凶。

十日二十五是善法日，梵云苏达谟神下，此云善法神下，宜作久长事，及急速事，置井穿凿坑塹，行法修道，人作功德，福舍伽蓝，凡诸顺法及爱敬等事，皆吉。二十五日夜不吉，半夜已后通吉。

十一日二十六日是慈猛日，梵云嚧捺唎神下，此云自在天下，宜新立宅舍，营天庙城邑，官曹馆室，伽蓝殿塔，及火祭室功德福舍，并吉。十一日夜恶，中夜后还吉。

十二日二十七日是名闻日，梵云阿逸都神下，此云日天子下，宜作久长安事，及修辇舆，严饰头发，置仓生藏等，吉，不宜放债取债。

十三日二十八日是最胜日，梵云钵折底神下，此云天魔神下，所为急速事，修衣服华鬘，金宝严饰等事，又宜爱敬之事，取妇人及乘车舆等，并入坛场习行道术，并吉。

十四日二十九日是勇猛日，梵云药刍神下，宜往擒缚，相诡诳事，暴虐恶人，作非法之物，宜行诈妄，诡诱怨敌，彼必信受，不宜远行进路，二十九日昼恶，午后吉。

十五日三十日是吉相日，梵云必多卢神下，此云魂灵神下，宜祭先亡，宜作婆罗门大祠，求安稳法，及布施供养父母，尊者诸天，持斋戒施食及诸祭祠，吉。十五日昼恶，午后吉。